

ԿԱՆՈՆԱԴՐՈՒԹՅՈՒՆ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՈՏԱՅՔԻ ՄԱՐԶԻ
ԲՅՈՒՐԵՂԱՎԱՆ ՀԱՄԱՅՆՔԻ ԱՎԱԳԱՆՈՒ
«ՄԻՍՆՈՒԹՅՈՒՆ» ԽՄԲԱԿՑՈՒԹՅԱՆ

1. ԸՆԴՀԱՆՈՒՐ ԴՐՈՒՅԹՆԵՐ

1.1 Սույն կանոնադրությունը կարգավորում է Բյուրեղավան համայնքի Ավագանու «Միասնություն» խմբակցության (այսուհետ՝ խմբակցություն) գործունեությունը, նրա մարմինների ղեկավարի, քարտուղարի, անդամների, իրավասությունների, լիազորությունների աշխատանքային ընթացակարգերը:

1.2 «Տեղական ինքնակառավարման մասին» Հայաստանի Հանրապետության օրենքի 66-րդ հոդվածի, Հայաստանի Հանրապետության Կոտայքի մարզի Բյուրեղավան համայնքի Ավագանու կանոնակարգի III բաժնի համաձայն ստեղծվում է Բյուրեղավան համայնքի Ավագանու «Միասնություն» խմբակցությունը:

1.3 Խմբակցության գործունեությունը դադարում կամ վերականգնվում է «Տեղական ինքնակառավարման մասին» Հայաստանի Հանրապետության օրենքի 72-րդ հոդված 1-ին մասի, 66-րդ հոդվածի 4-րդ մասի, Հայաստանի Հանրապետության Կոտայքի մարզի Բյուրեղավան համայնքի Ավագանու կանոնակարգի III բաժնի 13-րդ մասի 89-րդ կետի համաձայն:

1.4 Բյուրեղավան համայնքի տեղական ինքնակառավարման մարմինների 2022 թվականի սեպտեմբերի 25-ի ընտրությունների արդյունքների համաձայն «Միասնություն» կուսակցության առաջադրմամբ ընտրված Ավագանու անդամները ընդունում են Բյուրեղավան համայնքի Ավագանու «Միասնություն» խմբակցության կանոնադրությունը:

1.5 Խմբակցությունը գործում է ՀՀ Սահմանադրության, «Տեղական ինքնակառավարման մասին» ՀՀ օրենքների, Հայաստանի Հանրապետության Կոտայքի մարզի Բյուրեղավան համայնքի Ավագանու կանոնակարգի, այլ իրավական ակտերի և սույն կանոնադրության համաձայն:

1.6 Խմբակցության գործնեությունը հիմնվում է բազմակարծության հարցերի ազատ քննարկման և կոլեգյալ որոշումների կայացման հիման վրա:

1.7 Խմբակցության անվանումն է «Միասնություն»:

1.8 խմբակցության գտնվելու վայրի հասցեն է ք. Բյուրեղավան, Վազգեն Ա Վեհափառի փողոց թիվ 1 վարչական շենք:

1.9 խմբակցության անդամները կոչված են ապահովելու սույն կանոնադրության պահանջները:

2. ԽՄԲԱԿՑՈՒԹՅԱՆ ՆՊԱՏԱԿՆԵՐԸ ԵՎ ԽՆԴԻՐՆԵՐԸ

2.1 Իրականացնել «Միասնություն» խմբակցության կողմից ընդունված Բյուրեղավան համայնքի մասին նախընտրական ծրագրում ամրագրված սկզբունքների և ուղենիշերին համապատասխան ծրագրային լուծումների կյանքի կոչման ուղված գործունեություն:

2.2 Բյուրեղավան համայնքի և նրա բնակիչների առջև ծառացած բազմաբնույթ հիմնախնդիրների լուծման ուղղությամբ իրականացնել իր լիազորությունները և պարտականությունները:

2.3 Համախմբել «Միասնություն» խմբակցության ավագանու անդամներին հանդես գալ որպես կազմակերպված խմբակցություն:

2.4 Օժանդակել և աջակցել խմբակցության ավագանու անդամների կողմից ներկայացվող նախագծերի և ծրագրերի իրականացմանը:

2.5 Պաշտպանել Բյուրեղավան համայնքի շահերը և նրա բնակիչների իրավունքները:

2.6 ՀՀ օրենսդրությամբ սահմանված կարգով զանգվածային լրատվության միջոցներով տեղեկատվություն տարածել իր գործնեության վերաբերյալ:

2.7 Իր նպատակների, խնդիրների իրականացման համար համագործակցել բոլոր շահագրգիռ անձանց հետ:

2.8 Իր գործնեությամբ նպաստել Բյուրեղավան համայնքի համաչափ զարգացմանը:

2.9 ՀՀ օրենսդրության համաձայն իր կողմից կատարված աշխատանքների միջոցով աջակցել Բյուրեղավան համայնքի ավագանու գործնեությանը:

3.ԽՄԲԱԿՑՈՒԹՅԱՆ ԳՈՐԾԱՌՈՒՅԹՆԵՐԸ

3.3 Խմբակցությունը իր նպատակներին և խնդիրների իրականացման համար Հայաստանի Հանրապետության օրենսդրությամբ, Բյուրեղավան համայնքի ավագանու կանոնակարգի և սույն կանոնադրությամբ սահմանված իրականացնում է հետևյալ հիմնական գործառույթները՝

ա) իր աշխատանքները կազմակերպում է նիստերի, խորհրդակցությունների հանդիպումների միջոցով,

բ) որոշում է ընդունում ավագանու հանձնաժողովներում խմբակցության անդամների մասնակցության վերաբերյալ,

գ) ավագանու իրավական ակտերի և դրանց ընդունման սահմանված ընթացակարգի համաձայն ներկայացնում է խմբակցության անդամների նախաձեռնությունները և առաջարկությունները,

դ) քննարկում և որոշում է ընդունում քննող հանձնաժողով ստեղծելու մասին,

ե) քննարկում և որոշում է ընդունում ավագանու նիստերին հրավիրել քննարկվող հարցի վերաբերյալ տեղեկացված այլ անձանց ելույթ ունենալու հարցերին պատասխանելու համար,

զ) ամփոփում և որոշում է ընդունում խմբակցության գործնեության կատարված աշխատանքների վերաբերյալ,

է) հասարակական հետաքրքրություն ներկայացնող հրատապ թեմայով անց է կացնում քննարկումներ և հստակեցնում խմբակցության դիրքորոշումը քննարկվող հարցի վերաբերյալ,

ը) Բյուրեղավան համայնքի բնակիչների հետ կազմակերպում է հանրային հանդիպումներ, քննարկումներ բարձրացված հարցերին տալիս սպառիչ պատասխան,

թ) Բյուրեղավան համայնքի բնակիչների կողմից բարձրացրած խնդրների և առաջարկությունների վերաբերյալ բարձրաձայնում է Ավագանու նիստերում և հետամուտ լինում խնդիրների լուծմանը,

ժ) սահմանված ժամկետում անցկացնում է քննարկումներ, կատարում ուսումնասիրություններ բյուջեի նախագծի վերաբերյալ,

ժա) քննարկում է բյուջեի եռամսյակային կատարման ընթացքը և տարեկան հաշվետվությունը,

ժբ) խմբակցությունը կարող է դիմել ՀՀ վարչական դատարան ավագանու և քաղաքապետի ակտերի իրավաչափությունը վիճարկելու հարցով,

ժգ) իրականացնում է Հայաստանի Հանրապետության օրենսդրությամբ, ավագանու կանոնակարգով և սույն կանոնադրությամբ չարգելված այլ գործառույթներ:

4. ԽՄԲԱԿՑՈՒԹՅԱՆ ՆԻՍՏԵՐԸ

4.1 Խմբակցության հերթական նիստերը հրավիրվում են ավագանու նստաշրջանների ընթացքում ամիսը առնվազն մեկ անգամ խմբակցության ղեկավարի կողմից:

4.2 Խմբակցության ղեկավարի կամ անդամների մեկ երրորդի նախաձեռնությամբ կարող են հրավիրվել նաև արտահերթ խմբակցության նիստեր:

4.3 Խմբակցության նիստերը կարող են հրավիրվել նաև նստաշրջաններից դուրս սույն կանոնադրությամբ սահմանված ընթացակարգով:

4.4 Խմբակցության ղեկավարը նիստից առնվազն երկու օր առաջ խմբակցության անդամներին տեղեկացնում է նիստի անցկացման օրվա, ժամի և տեղի մասին նրանց տրամադրելով օրակարգը և դրան առնչվող փաստաթղթերը, եթե այդպիսիք կան:

4.5 Նիստը վարում է խմբակցության ղեկավարը, իսկ նրա բացակայության դեպքում խմբակցության քարտուղարը:

4.6 Խմբակցության ղեկավարի և քարտուղարի բացակայության դեպքում նիստը վարում է խմբակցության տարիքով ավագ անդամը:

4.7 Խմբակցության նիստում կարող է քննարկվել Բյուրեղավան համայնքի ավագանու իրավասություններին, գործնեությանը, լիազորություններին վերաբերող ցանկացած հարց:

4.8 Խմբակցության նիստը իրավազոր է եթե նիստին մասնակցում են խմբակցության ավագանու անդամների կեսից ավելին:

4.9 Խմբակցության նիստի օրակարգում ընդգրկված հարցերը քննարկվում են հետևյալ հաջորդականությամբ՝

ա) օրակարգի հաստատում,

բ) զեկուցողի ելույթ,

գ) հարցեր զեկուցողին,

դ) մտքերի փոխանակություն,

ե) քվեարկություն:

4.10 Նիստում յուրաքանչյուր հարցի վերաբերյալ քվեարկությունը կատարվում է տվյալ հարցի քննարկման ավարտից անմիջապես հետո:

4.11 Խմբակցության անդամը կարող է հրաժարվել քվեարկությանը մասնակցելուց:

4.11 Խմբակցության նիստում որոշումներն ընդունվում են, եթե դրանց կողմ են քվիարկել Նիստին ներկա խմբակցության անդամների կեսից ավելին:

4.12 Խմբակցության նիստում քվիարկության արդյունքում ձայների հավասար բաշխվելու դեպքում վճռորոշ է նիստը վարողի դիրքորոշումը:

4.13 Նիստի արձանագրությունը, որը ներառում է խմբակցության նիստում քննարկված բոլոր հարցերի քվեարկությունների անվանական արդյունքները, ստորագրում է նիստը վարողը:

4.14 Խմբակցության նիստերին կարող են մասնակցել քննարկման ենթակա հարցերին իրազեկ անձինք ինչպես նաև մասնագետներ:

4.15 Խմբակցության նիստերին մասնակցում է խմբակցության գործավարը:

5. ԽՄԲԱԿՑՈՒԹՅԱՆ ԿԱՌԱՎԱՐՈՒՄԸ

5.1 Խմբակցության ավագանու անդամները ընտրում են խմբակցության ղեկավար և քարտուղար:

5.2 Խմբակցության ղեկավարը՝

ա) ղեկավարում է խմբակցության գործնեությունը,

բ) գումարում է խմբակցության արտահերթ նիստ,

- գ) նախապատրաստում եւ վարում է խմբակցության նիստերը,
- դ) կազմում և խմբակցության անդամների հաստատման է ներկայացնում խմբակցության նիստի օրակարգը,
- ե) համակարգում է խմբակցության աշխատանքային խմբերի աշխատանքը,
- զ) ստորագրում է խմբակցության որոշումները հայտարարությունները, ինչպես նաև խմբակցության անունից կազմվող բոլոր գրություններն ու փաստաթղթերը,
- է) վարում է խմբակցության աշխատանքային խորհրդակցությունները կազմակերպում է խմբակցության ընթացիկ աշխատանքային գործնությունը,
- ը) ներկայացնում է խմբակցության դիրքորոշումը ավագանու նիստերի օրակարգի և քննարկվող հարցերի վերաբերյալ,
- թ) վերահսկում է խմբակցության որոշումների և հանձնարարականների կատարման ընթացքը,
- ժ) խմբակցության անունից վարում է բանակցություններ, արտահայտում խմբակցության դիրքորոշումներն ու տեսակետները,
- ժա) խմբակցության անունով ստացված դիմումների, բողոքների, առաջարկությունների վերաբերյալ համապատասխան ընթացք է տալիս և պատասխանում խմբակցության անունից,
- ժբ) ապահովում է խմբակցության որոշումների կատարումը,
- ժգ) ներկայացնում է խմբակցությունը պետական կառավարման մարմինների, հասարակական կազմակերպությունների, քաղաքական կուսակցությունների, Բյուրեղավան համայնքի ավագանու խմբակցությունների, զանգվածային լրատվության միջոցների, խմբակցության գործունեության հետ առնչվող այլ կազմակերպությունների հետ փոխհարաբերություններում,
- ժդ) խմբակցության որոշումների իրականացման համար պարտադիր ցուցումներ է տալիս խմբակցության անդամներին,
- ժե) իր երաշխավորություն է տալիս համապատասխան մարմնին և ներկայացնում խմբակցության գործավարին, ով ընդունվում են աշխատանքի ժամկետային պայմանագրով,

ժգ) համակարգում է խմբակցության գործավարի աշխատանքները, վերջինիս տալիս է համապատասխան հանձնարարականներ,

ժէ) իր հանձնարարությամբ գործավարը աջակցում է խմբակցության ավագանու անդամների աշխատանքներին,

ժը) խմբակցության նիստին հարցերի քննարկումներին մասնակցելու համար կարող է հրավիրել տվյալ քննարկվող հարցին իրազեկ անձանց ինչպես նաև մասնագետների,

ժթ) խմբակցության անդամներին իրազեկում է որոշումների կատարման ընթացքի մասին,

ժժ) ընդունում է խմբակցությունից դուրս գալու խմբակցության անդամի գրավոր դիմումը և սահմանված կարգով ներկայացնում համայնքի ղեկավարին,

ի) նախապատրաստում և ավագանու քննարկման է ներկայացնում հարցեր, որոշումների և ուղերձների նախագծեր,

իա) Բյուրեղավան համայնքի ավագանու նիստերում քննարկվող հարցերի վերաբերյալ հայտնում խմբակցության դիրքորոշումը,

իբ) բյուջեի նախագծի վերաբերյալ խմբակցության դիտողությունները և առաջարկությունները գրավոր ներկայացնում է Բյուրեղավան համայնքի ղեկավարին,

իգ) լիազորում է ավագանու անդամներին հանդես գալու խմբակցության անունից:

5.3 Խմբակցության քարտուղարը՝

ա) խմբակցության ղեկավարի բացակայության դեպքում իրականացնում է ղեկավարի գործառույթները կամ վերջինիս լիազորմամբ կատարում է նրա լիզորությունները,

բ) մասնակցում է խմբակցության հերթական նիստի օրակարգի նախագծի մշակման աշխատանքներին,

գ) ապահովում է խմբակցության անդամներին անհրաժեշտ նախագծերով ու փաստաթղթերով,

դ) կազմակերպում է խմբակցությունում քննարկումների և խորհրդակցությունների անցկացումը:

6.ԽՄԲԱԿՑՈՒԹՅԱՆ ԱՆԴԱՄԸ

6.1 Խմբակցության անդամն իրավունք ունի՝

- ա) ընտրել և ընտրվել խմբակցության ղեկավար կամ քարտուղար,
- բ) խմբակցության և նրա ղեկավարին ներկայացնել նախագծեր, առաջարկություններ և նախաձեռնություններ,
- գ) իր քվեարկությամբ մասնակցել խմբակցության որոշումների ընդունմանը,
- դ) խմբակցության նիստում քննարկվող հարցի վերաբերյալ հարցեր տալու, առաջարկություններով և նախաձեռնություններով հանդես գալու, ելույթ ունենալու, իր դիրքորոշումը հայտնելու,
- ե) խմբակցության ղեկավարից սպառիչ տեղեկատվություն ստանալու խմբակցության գործունեության մասին,
- զ) խմբակցության կողմից ընդունված որոշումով անդամակցել ավագանու հանձնաժողովներին,
- է) խմբակցության և նրա ղեկավարի որոշմամբ խմբակցության անունից արտահայտել դիրքորոշումներ, տալ հարցազրույցներ, վարել բանակցություններ, արտահայտել իր անձնական տեսակետը՝ հատուկ նշելով այդ մասին,
- ը) խմբակցության ղեկավարի հետ համաձայնացնելով՝ խմբակցություն հրավիրել տվյալ քննարկվող հարցին իրազեկ անձանց ինչպես նաև մասնագետների,
- թ) մասնակցել խմբակցության կողմից կազմակերպված միջոցառումներին,
- ժ) իր գրավոր դիմումի համաձայն դուրս գալ խմբակցությունից և այդ հիմքով դադարեցնել իր անդամությունը խմբակցությունում,
- ժա) ՀՀ օրենսդրությամբ, Բյուրեղավան համայնքի ավագանու կանոնակարգով, իրավական ակտերով սահմանված և սույն կանոնադրությամբ իրականացնել այլ իրավասություններ:

7.ԽՄԲԱԿՑՈՒԹՅԱՆ ԱՆԴԱՄԻ ՊԱՐՏԱԿԱՆՈՒԹՅՈՒՆԵՐԸ

7.1 Խմբակցության անդամը պարտավոր է՝

ա) մասնակցել խմբակցության և Բյուրեղավան համայնքի ավագանու նիստերին,

բ) մասնակցել խմբակցության նախաձեռնած աշխատանքների իրականացմանը,

գ) իր բացակայության դեպքում նախապես տեղեկացնել խմբակցության ղեկավարին կամ քարտուղարին՝ նշելով մասնակցության անհնարիության մասին,

դ) կատարել խմբակցության ընդունված որոշումները և տրված աշխատանքային հանձնարարականները,

ե) ակտիվ մասնակցել խմբակցության կանոնադրության նպատակների և խնդիրների իրականացմանը,

զ) իր գործունեությամբ ու վարքով բարձր պահել խմբակցության հեղինակությունը,

է) առանց խմբակցության և նրա ղեկավարի կողմից տրված լիազորության հանդես չգալ խմբակցության անունից,

ը) բարեխղճորեն կատարել իր վրա դրված պարտականությունները,

թ) պարբերաբար հանդիպել համայնքի բնակչության հետ, համայնքի ընտրողներին տեղեկացնել խմբակցության և Բյուրեղավան համայնքի ավագանու աշխատանքների մասին,

ժ) ուսումնասիրել քաղաքացիներից ստացված առաջարկությունները եւ պատասխանել դիմումներին.

ժ) իրականացնել ՀՀ օրենքներով և Բյուրեղավան համայնքի ավագանու կանոնակարգով և սույն կանոնադրությամբ սահմանված այլ պարտականություններ:

8. ԽՄԲԱԿՑՈՒԹՅԱՆ ԱՆԴԱՄԻ ԼԻԱԶՈՐՈՒԹՅՈՒՆՆԵՐԻ ԴԱԴԱՐՈՒՄԸ

8.1 Խմբակցության անդամի լիազորությունները կարող են դադարեցվել, եթե՝

ա) նա իր դիմումի համաձայն դուրս է եկել խմբակցությունից,

բ) չի հետևել խմբակցության կանոնադրության պահանջներին կամ պարբերաբար ակնհայտ չի կատարել նիստերի որոշումները,

գ) անհարգելի բացակայել է խմբակցության և Բյուրեղավան համայնքի ավագանու նիստերից,

դ) ավարտվել է Բյուրեղավան համայնքի ավագանու լիազորությունների ժամկետը,

ե) նա կորցրել է Բյուրեղավան համայնքի ավագանու ընտրական իրավունքը,

զ) նա դատապարտվել է ազատազրկման,

է) օրինական ուժի մեջ է մտել նրան անգործունակ ճանաչելու մասին դատարանի որոշումը,

ը) դատարանի օրինական ուժի մեջ մտած վճռով նա անհայտ բացակայող կամ մահացած է ճանաչվել,

թ) նա մահացել է,

ժ) ՀՀ Օրենսդրության, Բյուրեղավան համայնքի ավագանու կանոնակարգի և սույն կանոնադրության համաձայն:

9.ԵԶՐԱՓԱԿԻՉ ԴՐՈՒՅԹՆԵՐ

9.1 Սույն կանոնադրությունում լրացումներ փոփոխություններ կարող են կատարվել խմբակցության անդամների ընդհանուր թվի ձայների պարզ մեծամասնությամբ:

9.2 Սույն կանոնադրությունը ուժի մեջ է մտնում ընդունման պահից: